

ASEMBLEA XERAL ORDINARIA DA FEDERACIÓN GALEGA DE TRIATLÓN E
PENTATLÓN MODERNO
(Santiago de Compostela, 17/04/2015)

Asisten: Óscar J. Suris Regueiro (Presidente), José Antonio Blanco Vila (A.D. Tri-Penta Terras de Lugo), Antonio Pérez Montecelo (Cidade de Lugo Fluvial), Arturo López Lago (C.T. Coruña), José Antonio Formoso Pita (T. Ferrol), José Manuel Mosquera Vello (Club Triatlón Mar de Vigo), Ricardo Rey Martínez (Deportistas), Fernando Silvarrey Redondo (Deportistas), Jaime Ruíz del Ganso (Técnicos), Miguel Angel Fernández Vázquez (Organizadores); Luís Piña Refojos, Juan Luís Pedrosa Lence, Enrique J. Hidalgo Lugo, Juan Carlos Brión, Alejandro Lamela (Asesor) e Ánxeles Otero Trigo.

Ábrese a sesión ás 20:30 horas

Orde do día:

1. Lectura e aprobación, se procede, da acta da Asemblea anterior:

A acta foi enviada a todos os membros da Asemblea polo que se decide que non é precisa a súa lectura.

Apróbase por unanimidade.

Impugación ó proceso electoral: Enrique Hidalgo expón a resolución do Comité de Xustiza Deportiva que finalmente foi desestimada. Dita resolución pódese consultar na web da Federación ou na páxina de Deporte Galego (apartado de Xustiza Deportiva).

2. Presentación e aprobación, se procede, das contas da Tempada 2014:

Alejandro Lamela (asesor) explica os documentos referentes ás contas da Federación: o Balance e Pérdidas e Ganancias 2014.

O saldo final do exercicio foi positivo (29.991,23€), isto débese sobre todo ó aumento do número de licenzas e de probas que se ven dando nos últimos anos. Deuse un incremento dun 20% de ingresos en licenzas, igualmente houbo un incremento no número de probas (neste caso tamén se incrementaron os gastos).

No caso dos ingresos na tempada 2014 tivemos un incremento na subvención da Xunta, pasamos de recibir no 2013, 105.000euros, a percibir 140.000 euros no 2014.

En canto ós gastos, estes foron moi parexos á tempada anterior.

Antonio Pérez Montecelo (Cidade de Lugo Fluvial) pregunta polo importe correspondente ás Escolas Deportivas e porqué a Federación crea escolas onde xa as hai facendo competencia ós clubs e di que eles teñen máis de 20 licenzas de Péntatlon.

Luís Piña resposta que a Federación (dentro das súas posibilidades) axuda e colabora coas Escolas Deportivas buscando sempre a expansión e dinamización dos nosos deportes. Tamén, e dende fai varios anos, a Federación ten Escola de Triatlón e Péntatlon Moderno en Lugo, na cal hai que pagar os adestramentos e informa que a Escola de Lugo atende a todos os Pentatletas federados, non só de Lugo, senón de Galicia.

Antonio Pérez pide que se lle desglose o punto correspondente a gastos de viaxes e pregunta tamén cal é a razón pola que non está metida a axuda da FETRI na contabilidade.

Sobre os gastos de viaxe, Alejandro resposta que ten alí a relación das facturas que están metidas nese punto, que lle proporciona o documento. Luís Piña engade que calquer membro da Asemblea ten dereito a pasar pola sede e consultar dita documentación e que se houbera pedido esta aclaración antes da Asemblea se houberá levado dita documentación á reunión.

Sobre a axuda da FETRI ó CGTD, Ánxeles Otero (Secretaria) resposta que se decidiu non metela na tempada 2014 por que no momento do peche da contabilidade non había ningún documento asinado (convenio) que nos dera a certeza de que se ía cobrar. E tendo como antecedentes que esta Federación nunca percibiu ningunha axuda por parte da FETRI, non estaba claro que se cobrara. Neste intre a axuda foi ingresada polo que será metida no orzamento do 2015 e aparecerá reflexada nas contas da tempada 2015.



Imposto de Sociedades: Alejandro Lamela comenta que dende a proba do Cto. De Europa (2011) a Federación ten que aboar o imposto de sociedades por todos aqueles ingresos de patrocinios que reciba (neste ano ascendeu a 2.772,80 euros).

Ratios:

Fondos propios: Os ingresos por subvencións supuxeron un 37,84% dos ingresos totais;

Tesorería: 8,16% (Tesorería e deudores fronte a acreedores).

O saldo económico do 2014 foi máis que suficiente e as contas da Federación están saneadas.

Procédese á votación das contas da Tempada 2014:

Votos a favor: 9

Votos en contra: 0

Abstencións: 1 (Antonio Pérez Montecelo)

Quedan aprobadas as contas da Tempada 2014.

3. Presentación e aprobación, se procede, do orzamento para a Tempada 2015:

Alejandro Lamela (asesor) explica as distintas partidas que compoñen o orzamento presentado.

Antonio Pérez pide que se contemple no orzamento a subvención da FETRI tamén pide que se lle explique a diferenza que aparece no orzamento no punto de gastos de persoal comparado co gastado neste punto no ano anterior, pregunta polos contratos que se fixeron e polo motivo do aumento de entorno ó 20% dos gastos de persoal.

Anxeles Otero resposta que non hai novos contratos e que parte desa diferenza se debe a que no 2014 lle foi subido o soldo, pero que dita diferenza non se corresponde coa súa subida de salario polo que pode haber un erro nas cifras que será informado a todos.

Acórdase enviar a todos os membros da Asemblea a explicación desta diferenza unha vez estudada coa asesoría.

Procédese á votación dos Orzamentos para a Tempada 2014 (coa inclusión da axuda da FETRI – 17.964,00€- e da modificación da partida de gastos de persoal rectificada):

Votos a favor: 9

Votos en contra: 1 (Antonio Pérez Montecelo)

Abstencións: 0

Quedan aprobados os orzamentos para a Tempada 2015.

4. Prezo licenza 1 día menores (categorías benxamín, alevín, infantil e cadete):

O Presidente informa que esta proposta obedece ó compromiso adquirido na anterior Asemblea xeral e co fin último de promover a práctica do Triatlón entre os máis cativos.

Establécese que sempre se aboará o 50% do prezo da licenza de un día no caso das categorías benxamín, alevín, infantil e cadete.

Procédese á votación:

Votos a favor: 10

Votos en contra: 0

Abstencións: 0

Apróbase por unanimidade.

5. Modificacións calendario 2015 (incremento de probas e cambios de datas):

Luis Piña expón as modificacións de datas:

III Triatlón de Moaña (03/05/2015), XXVI Triatlón Concello de Oleiros (23/05/2015), III Triatlón do Porriño (06/06/2015), II Triatlón Rías Baixas (14/06/2015), I Triatlón de Cedeira (12/07/2015), V Triatlón Concello de Arteixo (18/07/2015), III Triatlón Desafío Illas Cies (27/09/2015).

Coa proba XV Tríatlon Cidade de Pontevedra (proba d Circuito), disputarase tamén a proba popular "YOSITRI".

O Campionato Galego de Acuatlón realizarase os días 26 e 27 de setembro xunto coa proba do Desafío Cies, esta última será Campionato Galego de Media Distancia.

O 12/09/2015 teremos a proba Tríatlon Popular de Baiona (que é un tríatlon de estrada).

Procédese á votación:

Votos a favor: 10

Votos en contra: 0

Abstencións: 0

Apróbese por unanimidade

6. Delegacións territoriais da Federación Galega de Tríatlon e Péntatlon Moderno:

O Presidente quere someter á consideración da Asemblea o reparto das delegacións territoriais.

Delegados:

Arturo López Lago (Delegado provincia de A Coruña)

Juán Carlos Brión (Delegado comarca Santiago)

Francisco Villanueva González (Delegado provincia de Lugo)

Jesús González González (Delegado provincia de Ourense)

José Manuel Curieses López (Delegado provincia de Pontevedra)

As súas labores serán representativas (en probas, eventos, presentacións...) e tamén exercerán de interlocutores para o traslado de suxerencias, queixas, e demais comunicacións que surxan por parte dos clubs e deportistas do súa provincia ou comarca.

Procédese á votación:

Votos a favor: 10

Votos en contra: 0

Abstencións: 0

Apróbese por unanimidade

7. Circuito Galego de Tríatlon no Draft 2015:

Fai a exposición Luís Piña (adxúntase documento).

A proposta dos premios económicos para este circuito é a seguinte:

O premios serán concedidos ós 3 primeiros homes e 3 primeiras mulleres do ranking:

1º posto: 400 euros

2º posto: 200 euros

3º posto: 100 euros

A estes premios (como a todos os premios económicos) aplicaráselles a retención correspondente por lei (IRPF).

Procédese á votación:

Votos a favor: 10

Votos en contra: 0

Abstencións: 0

Apróbese por unanimidade

8. Varios:

a). Propostas enviadas polo Club Olímpico de Vedra:

- A proposta de iniciar antes a solicitude de licenzas: non hai problema, pódese facer xa. Agora mesmo a Xunta Directiva está estudando a posibilidade de contratar un programa informático para a tramitación/xestión das licenzas que faga máis áxil (tanto para os deportistas e clubs como para o traballo administrativo) o proceso das altas federativas.

- Á proposta da regulación do calendario oficial: Na actualidade non é posible facelo, dependemos da FETRI e esta da ITU, dos Concellos, dos organizadores...

- En canto ás probas de equipos son os organizadores que as deben propoñer.

b). Cuentas correo electrónico de Delegados territoriais:



Para a comunicación cos Delegados territoriais por parte de Clubs e deportistas, foron creadas as seguintes contas de correo (estas serán enviadas a todos os clubs e publicadas na web):

delegacionourense@fegatri.org ; delegacionlugo@fegatri.org ; delegacionpontevedra@fegatri.org

delegacioncoruna@fegatri.org ; comarcasantiago@fegatri.org ;

- c). Envío de Circulares á Clubs: Enviarase toda aquela información que sexa de interese para os clubs e deportistas por medio de circulares.
 - d). Colaboracións con empresas privadas: neste intre estase negociando un convenio de colaboración con unha empresa médica vinculada ó mundo deportivo.
 - e). Acordos de colaboración con outras Federacións (Atletismo e Ciclismo): noutras comunidades xa se está facendo e básase nas licenzas de un día (é dicir, cando un deportista de outra federación quere participar nunha proba de Triatlón só aboará o custo que lle supón a licenza de un día á Federación; e ese abono farao a súa Federación).
- Estase estudando o tema e tamén ver a posibilidade de facer os seguros conxuntos.
- f). Estamos buscando vías de sponsorización e axudas privadas que nos fagan menos dependentes das subvencións públicas.
 - g). Web Fegatri: Estase estudando a posibilidade de crear un apartado que levara como contido as noticias de clubs (co obxectivo de dar publicidade ós mesmos), pero éstas serán publicadas en base a uns criterios que aínda están a ser estudados.
 - h). Enviarase ós clubs unha solicitude de aportación de ideas para a páxina web e tamén se incluírá a petición da súa opinión sobre a apertura dunha pestana para a inclusión das súas noticias.

9. Rogos e preguntas.

José Antonio Formoso pregunta sobre si se está estudando algún tipo de axudas a clubs e e sobre a convocatoria de axudas a deportistas.

Luis Piña explica que o reparto do material ás escolas se establecerá segundo uns criterios que poderían ser por participación, resultados,...(polo momento está en fase de estudo).

No que se refire á convocatoria de axudas a deportistas: esta convocatoria marcaba unhas probas concretas e ademais a inclusión de un proxecto. Tamén temos que ver con que diñeiro se conta para repartir segundo uns criterios que se elaborarán.

Non habendo máis intervencións. Levántase a sesión ás 23:11 horas.

Asdo.: Mª de los Ángeles Otero Trigo
Secretaria



Asdo.: Óscar José Suris Regueiro
Presidente